

ADRODDIAD I'R:	Pwyllgor Trwyddedu
DYDDIAD:	5 Rhagfyr 2018
SWYDDOG ARWEINIOL:	Pennaeth Cynllunio a Gwarchod y Cyhoedd
SWYDDOG CYSWLLT:	Uwch Swyddog Technegol (Trwyddedu) 01824 706433
TESTUN:	Y wybodaeth ddiweddaraf ar Bolisi Euogfarnau Cerbydau Hacni a Hurio Preifat

1. PWRPAS YR ADRODDIAD

- 1.1 Darparu'r wybodaeth ddiweddaraf i'r Aelodau ar y Polisi Euogfarnau Cerbydau Hacni a Hurio Preifat.
- 1.2 I hysbysu'r Aelodau o'r 'Canllawiau ar benderfynu ar addasrwydd ymgeiswyr a thrwyddedai yn y diwydiant cerbydau hacni a cherbydau hurio preifat' newydd a gynhyrchwyd ac a gyhoeddwyd gan y Sefydliad Trwyddedu.
- 1.3 Ceisio cymeradwyaeth yr Aelodau i fabwysiadu dogfen ganllaw'r Sefydliad Trwyddedu.

2. CRYNODEB GWEITHREDOL

- 2.1 Mae'r Aelodau wedi trefnu diweddariad i nodi'r cynnydd ar adolygiad o Bolisi Euogfarnau Cerbydau Hacni a Hurio Preifat presennol y Cyngor.

PŴER I WNEUD Y PENDERFYNIAD

3.

- 3.1 Deddf Llywodraeth Leol (Darpariaethau Amrywiol) 1976 a Deddf Cyfrifoldebau Heddluoedd Trefol 1847

4. GWYBODAETH GEFNDIR

- 4.1 Bydd yr Aelodau'n cofio o'r cyfarfod diwethaf ym mis Medi eleni, cyflwynodd y Swyddogion adroddiad yn darparu'r wybodaeth ddiweddaraf ar Ganllawiau'r Sefydliad Trwyddedu yn ymwneud â phenderfynu ar addasrwydd ymgeiswyr a thrwyddedai yn y diwydiant cerbydau hacni a hurio preifat. Gellir canfod canllawiau'r Sefydliad

Trwyddedu yn Atodiad A.

4.2

Bydd yr Aelodau hefyd yn cofio bod y Swyddogion wedi eich hysbysu mai dim ond Ynys Môn oedd yn ystyried mabwysiadu canllawiau'r Sefydliad Trwyddedu, o'r holl Awdurdodau yng Ngogledd Cymru, yn wreiddiol ac felly cytunwyd bod y Swyddogion yn datblygu ac adolygu polisi euogfarnau presennol y Cyngor.

4.3

Ers y cyfarfod diwethaf ym mis Medi, mae Panel Technegol Trwyddedu Cymru Gyfan wedi cyfarfod a thrafod canllawiau'r Sefydliad Trwyddedu yn drylwyr, ac fe gytunwyd mewn egwyddor y dylai pob Awdurdod Lleol ystyried mabwysiadu polisi euogfarnau'r Sefydliad Trwyddedu er mwyn sicrhau cysondeb ar draws Cymru.

4.4

Yn sgil cyfarwyddyd Panel Technegol Trwyddedu Cymru Gyfan i ystyried mabwysiadu canllawiau'r Sefydliad Trwyddedu, mae mwyafrif Awdurdodau Trwyddedu Gogledd Cymru wedi nodi y byddant yn ceisio mabwysiadu'r canllawiau.

4.5

Atgoffir yr aelodau o ddiben datblygu polisi / canllawiau o'r fath, yn benodol i gynorthwyo i benderfynu a yw unigolyn yn gymwys ac addas gan sicrhau diogelwch a lles y cyhoedd sy'n defnyddio cerbydau trwyddedig. Er nad oes canllawiau na safonau cenedlaethol neu statudol, fel bron yr holl awdurdodau lleol eraill, mae gan Sir Ddinbych bolisi a chanllawiau ar euogfarnau ac ati ar gyfer gyrwyr tacsï. Fodd bynnag, wrth i bob awdurdod lleol ddatblygu eu polisiau eu hunain, mae'r canllawiau ar y mater yn amrywio'n helaeth o awdurdod i awdurdod ledled Cymru a Lloegr, gyda rhai yn llawer llai llym nag eraill.

4.6

Bydd mabwysiadu'r Canllawiau newydd a gyhoeddwyd ac a gynhyrchwyd gan y Sefydliad Trwyddedu yn gwella'r broses o lunio penderfyniadau gan Swyddogion ac Aelodau i benderfynu ar addasrwydd ymgeiswyr newydd ac ar gyfer deiliaid trwyddedau presennol, a thrwy wneud hynny, bydd yn arwain at lefel o uniondeb cenedlaethol ac yn cyflawni budd i'r cyhoedd o ran cysondeb, sicrwydd a hyder yn y system drwyddedu.

4.7

Gallai cydymffurfio â chanllawiau'r Sefydliad Trwyddedu ddarparu amddiffyniad i'r awdurdodau trwyddedu os bydd apêl.

5.0

5.1 **YMGYNGHORI**

Mae canllawiau wedi'u cynhyrchu mewn partneriaeth â Chymdeithas Llywodraeth Leol (CLIL), Cyfreithwyr o Lywodraeth Leol a Chymdeithas Genedlaethol Swyddogion Gorfodi Trwyddedu ac mae wedi bod yn

5.2 destun ymgynghoriad cyhoeddus eang gan gynnwys Cynghorwyr, Swyddogion Trwyddedu, Cyfreithwyr, y Fasnach Cerbyd Hacni a Cherbyd Hurio Preifat, academyddion, y Gwasanaeth Prawf a'r Heddlu.

5.3 Bydd yr Aelodau'n ymwybodol mai arfer y Cyngor yw ymgynghori â'r holl fudd-ddeiliaid allweddol ar unrhyw newid polisi arfaethedig, fodd bynnag, mae'r ddogfen ganllaw arfaethedig yn ddogfen genedlaethol, a byddai unrhyw wyriad o'r ddogfen hon yn creu anghysondebau ledled y Wlad.

5.4 Pe bai'r Aelodau o blaid mabwysiadu yna mae'r Swyddogion yn cynnig y dylid ymgysylltu â'r holl Ddeiliaid Trwyddedau presennol i'w hysbysu o'r cynigion i fabwysiadu'r ddogfen ganllaw sydd ynghlwm, fel y mae.

Mae'r swyddogion yn cynnig cynnal nifer o gymorthfeydd ar draws y Sir ar gyfer deiliaid trwyddedau i fynychu a thrafod unrhyw ran o'r ddogfen ganllaw a allai effeithio arnynt yn unigol.

6.

ARGYMHELLION

6.1

Bod yr Aelodau yn mabwysiadu Canllawiau'r Sefydliad Trwyddedu i benderfynu ar addasrwydd ymgeiswyr a thrwyddedai yn y diwydiant cerbydau hacni a hurio preifat.

6.2

Bod yr Aelodau yn rhoi cyfarwyddyd i'r swyddogion i ddrafftio polisi sy'n diwallu cynnwys dogfen ganllaw'r Sefydliad Trwyddedu ac yn adrodd yn ôl i gyfarfod mis Mehefin 2019 gyda'r nod o weithredu'r polisi ar 1 Gorffennaf 2019.

6.3

Bod y Swyddogion yn ymgysylltu, drwy ohebiaeth a chymorthfeydd ar draws y Sir, gyda'r holl ddeiliaid trwyddedau Cerbydau Hacni a Hurio Preifat ar ddogfen ganllaw'r Sefydliad Trwyddedu.